

Sambŭt Pôl Njuăl Ān Ma Timôthê Rôh 2 Nau bôk ăn bu gĩt lor

Nờm nchih sambŭt dja rnha Pôl, păng nchih sambŭt dja klăp lah ta năm 65, klăp lah 32 năm jêh Brah Yêsu dăk rêh, păng nchih sambŭt dja ta ðon Rôm nôk păng gŭ ndrung (2Ti 1:16-17), nôk nây Timôthê gŭ ta ðon Êphêsô. Nôk Pôl nchih sambŭt dja păng nờm mân lah mâu hôm jô jăt bu mra nkhăt păng, yor ma mboh nkoch nau mhe mhan ueh (2Ti 4:6). Sambŭt dja jêng sambŭt Pôl nchih n'glê dŭt i bân hôm geh ta nau tâm rnglăp mhe.

Gay ma gĩt nau khlay ta Timôthê, dăn uănh ta nau bôk ăn bu gĩt lor ta sambŭt Timôthê rôh 1.

Ma sambŭt a êng i Pôl nchih dăn uănh ta sambŭt Rôm ta nau bôk 'Sambŭt Pôl'.

Nau ũch ntrông ta sambŭt dja

Ta sambŭt dja Pôl ðă Timôthê ăn gŭ nập ta nau tâm rdâng ðah nờm nti nklă, ăn nsrôyh kôl sơm jan kar ma phung nsing, ndrel ma ăn gŭ nập ta nau nsing, bol lah bu jan jêr yor ma nau nsing i nây (2Ti 1:7-8). Păng ðă Timôthê lơi ôh tâm rlăch ma bu lah mâu geh nau khlay (2Ti 2:16), yờn ma păng ðă Timôthê ăn jan kôt ñđa: 'Nsrôyh jan kar ueh gay ma Kôranh Brah rnê. Ān may mboh nkoch nau Kôranh Brah ma nau ngơi ngăn, ma nau di, jêng bunuyh jan kar ma bu mâu ôh geh nau ðit prêng, yorlah lě gĩt păng nờm jan ueh'

(2Ti 2:15). Jêh ri păng đã Timôthê hăn jồ khõl păng ta trôm ndrung ta ðon Rôm. Du trong i geh nau khlay hô ngãn ta sambũt dja 2Ti 3:16 ‘Dâng lẽ Nau Kôranh Brah Ngơi, jêng tã bớh Kôranh Brah ăn Brah Huêng Ueh ăn bu nchih, geh nau khlay ma ntũm nti, ma nkah ăn kah gĩt sák, ntũm nti hãn di trong, ntũm nti nau gũ rêh ăn sớng’.

Mbớh nau khlay ta nkỏ ta sambũt dja

- Nau ôp ueh lǎng (1:1-2)
- Nau n்தinh ăn gũ rǎp jǎp ta Brah Krist Yêsu (1:3-2:13)
- Nau tâm rlǎch ma nớm nti nklǎ (2:14-3:9)
- Nau đã Pól ma Timôthê (3:10-4:8)
- Nau n்தinh n'glẽ dũt (4:9-21)

Nau ôp ueh lǎng

¹ Sambũt gáp Pól nchih, gáp kôranh oh mon Brah Krist Yêsu tâng Kôranh Brah ۆch, jêng nớm mbớh nkoch ma nau rêh i Kôranh Brah lẽ ton ma ăn bunuyh i nsing ma Brah Krist Yêsu.* ² Gáp ۆch njuǎl ăn ma may Timôthê, jêng kon gáp i gáp rớng ngãn ngên. Dǎn Kôranh Brah, ndrêl ma Brah Krist Yêsu ăn nau ueh, nau yỏ, nau đǎp mpǎn ma may. Kôranh Brah Bớ bân, Brah Krist Yêsu kôranh bân.* ³ Gáp lah ueh ma Kôranh Brah yor ma may, gáp jan kar ma Pǎng lẽ gĩt ta nuh n'hâm, mâu ôh jan ma ndrớ dớh ndrớ mâu ueh, kot phung u che gáp lẽ jan nớh. Gáp kah gĩt ma may nâng nõk gáp mbớh sớm ǎp mǎng ǎp nar, mâu chuêl ôh. ⁴ Gáp kah gĩt dak mắt may

* **1:1** 1:1: 1Ti 2:7; Kar 9:15

* **1:2** 1:2: Kar 16:1-3

hor nôk bán tâm nkah nơh, jêh ri gáp ếch ngãn mập may, gay ma nuih n'hâm gáp rằm maak hô ngãn.* ⁵ Gáp kah gít nau nsing may rấp jấp ngãn, nau nsing i nây geh lor ta u may rnha Lois, ndrel ma ta mê may rnha Ủnìh đống, jêh ri gáp lể gít may geh nau nsing i nây đống.

Nau n'hao nuih Timôthê

⁶ Kọt ndrì dâng gáp nkah may, ăn may đống lơ ma hô nau dơi i tả bớh Brah Huêng Ueh i Kôranh Brah lể ăn dơm dam ma may nôk gáp mớh sơm tể ti nơh,* ⁷ yorlah Kôranh Brah mâu ăn ôh nuih n'hâm i ăn bán klach, yơn ma Păng ăn bán Brah Huêng Ueh i ăn bán geh nau dơi, geh nau rống ma bu, ndập ma blao mât njrăng sắk.* ⁸ May lơi ôh đit prêng mớh nkoch nau khlay Kôranh Yêsu bán nơm, lơi ôh đit prêng ma gáp i gũ ta trôm ndrung dja yor ma mớh nkoch nau Păng. Yơn ma ăn may đơn hồm nau jêr jốt ndrel gáp ta nau mớh nkoch nau mhe mhan ueh. Kôranh Brah ăn nau dơi ăt nau jêr jốt i nây.* ⁹ Păng lể rklaih jêh bán, lể kuăl jêh bán ăn jêng phung bon lan Păng nơm*. Păng kuăl kọt nây mâu ôh yor ma ndr bán lể jêh jan, jêng tả bớh Păng nơm lể ơm ếch ê lor ma rhắk njêng neh ntu, ndrel ma tả bớh nau ueh Păng. Nau ueh i nây Păng lể ăn jêh ma bán ta Brah Krist Yêsu.* ¹⁰ Ấbơ dja Kôranh Brah lể nhơ jêh ăn bán say nau ueh Păng nơm,

* **1:4** 1:4: 2Ti 4:9 * **1:6** 1:6: 1Ti 4:14-15 * **1:7** 1:7: Rôm 8:15; 1Yô 4:18 * **1:8** 1:8: Mat 10:32-33; Rôm 1:16; 3:12; 1Pê 4:16
* **1:9** 1:9: Mâu lah 'Ăn gũ rêh kloh ueh'. * **1:9** 1:9: Tit 3:5-6; Eph 1:4-11

bân say nau ueh Păng yor ma Brah Krist Yêsu i nơm rklaih bân lể văch ta dja. Brah Krist Yêsu lể lơh n'groh lơi nau khât, jêh ri nhơ ăn bân gít năl nau rêh, nau mâu hôm blao khât tã bớh nau mhe mhan ueh.*

¹¹ Kôranh Brah lể koih gáp jêng kôranh oh mon Păng, koih gáp gay ma mớh nkoch ntũm nti nau mhe mhan ueh dja ma bu†.* ¹² Nđri dăng gáp geh nau jêr jốt dja, yon ma gáp mâu ôh đit prêng, yorlah gáp gít jêh Kôranh Brah i gáp nsing dja. Păng geh nau đoi mât njrăng dăng lể đơ i Păng lể jao ma gáp‡ n'ho ma tát nar Brah Krist Yêsu plở văch tay.* ¹³ Ắn may ndjôt nập nau nti di i may lể tăng jêh bớh gáp nớh, jêh ri jan tâng kot. Ắn may gũ ueh ta nau nsing, ta nau rông ma bu i tã bớh Brah Krist Yêsu ăn.* ¹⁴ Ắn may mât dăng lể đơ ueh i Kôranh Brah de jao jêh ắn may, Brah Huêng Ueh i kloh ueh i gũ ta bân mra kớl ma may ta nau i nây.

¹⁵ May lể gít jêh ốk ngăn bunuyh ta bri Asi lể ntloĩ gáp, ta phung i nây geh Phikeluh ndrel ma Hơmôkên đong.* ¹⁶ Gáp đăn Kôranh Brah ắn nau yỏ ma rnăk vâl Onêsiphor, yorlah ốk tở ngăn păng n'hao nuih ắn gáp, păng mâu ôh đit prêng mập gáp, bol lah gáp gũ ta trôm ndrung.* ¹⁷ Nôk păng tát ta đon kuông Rôm, păng nsrôyh joi gáp

* **1:10** 1:10: Rôm 6:9-10; Hêb 2:14 † **1:11** 1:11: Sambũt ơm i nchih ma ti abă geh ntop ta dja: 'Ắn ma phung i mâu di phung Israel'. * **1:11** 1:11: Kar 9:15; Eph 3:7 ‡ **1:12** 1:12: Mâu lah 'Dăng lể đơ i gáp jao ma Păng'. * **1:12** 1:12: 2Ti 2:9 * **1:13** 1:13: 2Ti 3:14 * **1:15** 1:15: 2Ti 4:16 * **1:16** 1:16-18: 2Ti 4:19; Mat 25:36

tât say. ¹⁸ Gáp dăn Kôranh Brah ăn nau yỗ ma păng ta nar Kôranh Yêsu văch. May lể gít jêh păng kớ gáp ỏk ngăn ta bon Êphêsô nớh đờng.

2

Tahen ueh Brah Krist

¹ Lah ndri ớ kon, ăn may gũ nập ta nau nsing yor ma nau ueh bân geh tã bớh Brah Krist Yêsu.*

² Dâng lể nau gáp i may lể tăng jêh ta nấp bunuyh ỏk nớh, ăn may jao nau i nây ma bunuyh i rấp jấp i blao đờn ntũm nti bunuyh êng jât. ³ Jêh ri nsrôyh đờn nau jêr jốt tâm ban ma gáp, tâm ban ma du huê tahen ueh Brah Krist Yêsu.* ⁴ Nôk tahen hăn tâm lớh, păng mâu hóm ôh mân rvê kớ t nôk gũ bon lan jât, păng ứch jan ăn ma kôranh păng nớh nây geh nuh n'hâm rằm ma păng đờm. ⁵ Jêh ri lah geh bunuyh ứch tâm rlong nchuăt gay ma geh nớ nhôm, lah păng mâu nsrôyh nchuăt ueh di tăng nau vay bu đả, mâu ôh geh nớ nhôm. ⁶ Jêh ri bunuyh i jan mir hốt rớah, păng i nây kăch ba sông piăng mhe lor bu đờng.* ⁷ Ăn may jan tăng nau ntât i nây ta nau jan kar ma Kôranh Brah. Ăn may mân êng nau gáp lah ma may dja, yorlah Kôranh Brah ăn may geh nau mân gít blao, đời gít vát dâng lể ntil nớ.

⁸ Jêh ri ăn may kah gít Brah Yêsu Krist jêng rnoi deh kađăch Đavid, Păng khât dăk rêh kớ gáp ntũm nti nau mhe mhan ueh.* ⁹ Yor ma nau mhe mhan ueh i nây gáp đờn nau jêr jốt, n'ho ma

* **2:1** 2:1: Eph 6:10 * **2:3** 2:3-5: 2Ti 1:8; 3:12; 4:5-8; 1Ti 6:12; 1Kô 9:24-27 * **2:6** 2:6: 1Kô 9:7-10 * **2:8** 2:8-9: Mat 1:1; Phi 1:13

tât bu nhũp bu kât gâp tâm ban ma bunuyh dôih. Yon ma nau Kôranh Brah, bu mâu ôh blao nhũp blao kât, bu hôm mboh nkoch. ¹⁰ Kot ndri dâng gâp nsrôyh dơi ăt nau jêh jôt, gay ma bunuyh i lể Kôranh Brah de koih jêh dơn nau rklaih i geh tă boh Brah Krist Yêsu. Ân khân păng geh nau chrêk lợp n'ho ro.* ¹¹ Nau i dja jêng di ngăn:

Lah bân lể khât ndrel Brah Krist Yêsu,

Bân tay gũ rêh ndrel Păng đống.*

¹² Lah bân nsrôyh dơi ăt nau jêh jôt,

Bân mra gũ mât uảnh ndrel Păng đống.

Lah bân rlăch mâu ôh gít năl Păng,

Păng mra rlăch mâu đống gít năl bân.*

¹³ Bol lah bân mâu ôh gũ răp jăp ma Păng,

Yon ma Păng mâu ôh ntloih bân,

Yorlah Păng mâu ôh dơi rlăch ma săk Păng nơm,

Păng hôm jan nâng ma ndr Păng lể ton.*

Bunuyh jan kar sồng

¹⁴ Ân may nkaht dâng lể phung nsing nau i này, jêh ri buay ngăn khân păng ta năp măt Kôranh Brah, lơi ôh ăn khân păng gũ tâm rlăch ma nau mâu geh nau khlay, yorlah nau i này jan ăn nơm i gũ iăt geh nau vĩ, jan ăn roh hêng nau nsing dơn. ¹⁵ Nsrôyh jan kar ueh gay ma Kôranh Brah rnê. Ân may mboh nkoch nau Kôranh Brah ma nau ngoi ngăn, ma nau di, jêng bunuyh jan kar ma bu mâu ôh geh nau đit prêng, yorlah lể gít

* **2:10** 2:10: Kôl 1:24 * **2:11** 2:11: Rôm 5:2; 6:8 * **2:12** 2:12: Rôm 8:17; 1Kô 6:2-4; Mat 10:32-33 * **2:13** 2:13: Rôm 3:3-4; 11:29

păng nơm jan ueh.* 16 Yơn ma ăn der hõm bõh nau ngoi i mâu ueh i mâu geh nau khlay, yorlah nau ngoi i này ăn bu n'ho ma lơ ma hô jan tih ma nau Kôranh Brah ếch.* 17 Nau ngoi i này tâm ban ma sôt sa kữ ta trôm mâu ôh blao bah. Ta mpôl bunuyh i kót này, ta này geh bar hê bu klô, dù huệ rnhà Himênês ndrel ma Philêl. 18 Khân păng lế du ngai jêh bõh nau ngãn, khân păng nti nklă lah bunuyh khât lế dâk rêh jêh*. Ndri dăng khân păng lơh n'groh lơi nau nsing bu abă. 19 Yơn ma nau ngãn Kôranh Brah dứt nập tâm ban ma meh nập mâu blao n'gơ, jêh ri lế geh nchih lah kót nđa: 'Kôranh Brah lế gữ năi jêh bu moh jêng bõn lan Păng nơm'†, jêh ri 'Bu moh i mbõh nkoch păng nơm lế nsing ma Kôranh Brah, ăn du ngai hõm bõh nau jan djơ'†.* 20 Ntât lah ta trôm jay kuõng bunuyh ndrõng mâu geh ôh ndoh ndrơ bu jan ma prăk, ma mayh đơm, geh ndoh ndrơ i bu jan ma si, ndrel ma mon ma neh uk đõng. Ndoh ndrơ abă bu đõng ma nau khlay, ndoh ndrơ abă jât bu đõng ma nau mâu khlay. Kót ndri đõng geh ntil êng êng bunuyh ta phung nsing ma Brah Yêsu. 21 Lah ndri bu moh i du ngai bõh ndrơ djơ i này gữ nau kloh ueh, păng jêng tâm ban ma ndrơ đõng ma nau khlay, geh nau khlay ngãn ma

* 2:15 2:15: 1Ti 4:6; Tit 2:8 * 2:16 2:16-17: 2Ti 2:23; 1Ti 4:7;

6:20-21 * 2:18 2:18: Bu gữ lah khân păng nti lah 'Mâu hõm geh nau dâk rêh ma bân jât tay ôh', kót ndri mâu hõm geh nau ma nơm bõh koi bân khât ôh. † 2:19 2:19: NKơ 16:5 † 2:19 2:19: Nau i này tả bõh nau tâm rngláp ơm, yơn ma mâu ôh tả bõh du ntũk đơm, geh ta KLê 24:16; NMO 34:14; Hờ 3:7; Êsa 52:11. * 2:19 2:19: Mat 7:22-23; Yôh 10:14

tơm jay i nây. Bunuyh i nây blao ma jan ndr' ueh ăp ntil.*

²² Lah ndr'i ăn may der hōm bōh nau kōnh phung drōh ndăm ũch, jêh ri nsrōyh tâng joi nau sōng, nau nsing, nau rōng ma bu. Ăn geh nau đăp mpăn ndrel mpôl yōk mbah ma Kôranh Brah ma nuih n'hâm kloh hō.* ²³ Ăn may der nau tâm rlăch rluk, may lě gít jêh nau tâm rlăch i nây jêng geh nau tâm janh đơm.* ²⁴ Iăt ma bunuyh i sơm kōl jan kar ma † Kôranh Brah mâu ôh geh nau tâm rlăch. Iăt ma bunuyh i nây geh nuih n'hâm mleh ma dăng lě bunuyh, iăt ma blao ntũm nti bu, ndăp ma blao ăt nuih đōng. ²⁵ Ăn bunuyh i nây nka h ma bunuyh i tâm rlăch ma păng nơm ma nuih n'hâm mleh, nkhêp lah Kôranh Brah ăn khân păng rgâl lơi nuih n'hâm djơh, gay ma gít năl nau ngăn, ²⁶ jêh ri ăn khân păng kah gít săk du klaih bōh dăk Satăng i kôranh mpôl brah djơh, i lě nhũp kăt khân păng, nchăp khân păng đă jan tâng nau păng ũch.

3

Ndr' geh ta nar n'glě đũt

¹ Ăn may gít nau dja: Ta rnôk bōi ma tăt nar n'glě đũt tay geh nau jêr ngăn. ² Nôk nây geh ôk bunuyh rōng ma săk păng nơm đơm, rōng ma prăk, n'hi êng săk, mưch bu, mưch Kôranh Brah, mâu iăt nau mễ bở, mâu gít tōr, mâu yōk

* **2:21** 2:21: NMO 1:1; 2Kô 6:17-18 * **2:22** 2:22: 1Ti 4:12; 6:11

* **2:23** 2:23: 1Ti 4:7 † **2:24** 2:24: 'Bunuyh sơm kōl jan kar ma', mâu lah 'Dăk'.

ma Kôranh Brah,* 3 mầu geh nau rông ma bu, mầu geh nau yỗ, ngời nchơt, mầu blaot ătt nuih, geh nuih n'hâm janh, biãnh ma dăng lể ndr ueh, 4 geh nuih n'hâm rẫng, nuih n'hâm n'gơch, nuih n'hâm hũn hô ngẫ, jêh ri kơnh ma pâl maak rlau ma rông Kôranh Brah. 5 Khân păng yỏk mbah Kôranh Brah bớh dih ntô dờm, yờn ma nau dời Kôranh Brah i blaot rgẫ nuih n'hâm djờh khân păng, khân păng rẫch lời. Lah ndrỉ ẫn may du ngai hỏm bớh bunuyh i kớh nẫy, 6 yorlah ta mpỏl khân păng i nẫy, geh bunuyh ẫbẫ hẫn ta jay bu, jêh ri mẫbrỏh rẫm phung bu ur i rluk mẫl ma nau nti tih khân păng. Phung bu ur i nẫy dờn nau tih khân păng nờm hô ngẫ, ta sẫk khân păng ri geh nau kớnh ẫp ntil ngẫ. 7 Phung bu ur i nẫy nti ẫbớ ngẫ, yờn ma nau ngẫ mầu gẫt vẫt. 8 Nau nsing phung nờm nti nẫy mầu geh ngẫ ôh, nuih n'hâm khân păng djờh hô ngẫ, khân păng tâm rẫch đạh nau ngẫ tâm ban ma Yanês, ndrỉl ma Yamprês* tâm rdẫng hô ngẫ đạh Mỗsê rnỏk kẫl e nờh. 9 Nau jan kar khân păng mầu hỏm jềng ôh, yorlah ta jẫt nẫp tay dẫng lể bunuyh say nau mẫn rluk mẫl ta khân păng, tâm ban ma bu say nau mẫn rluk mẫl Yanês, ndrỉl ma Yamprês kẫl e nờh đờng.

Nau nẫnh ma Timôthê

* 3:2 3:2-5: Mat 10:21; Tit 1:16; Yủđ 1:18-19 * 3:8 3:8: Ta sambữt phung Israel a ềng, geh rnhạ Yanês, ndrỉl ma Yamprês i bu n'hũm Pharaon i bunuyh tâm rdẫng đạh Mỗsê (NNg 7:11-12, 22; 8:18-19). Yờn ma ta nau tâm rngẫp ỏm mầu geh tể rnhạ ma khân păng ôh.

10 Lông i may nây, may lể iătt jêh nau gâp ntũm nti, lể say lể tâng đổng ndơ gâp jan, ndơ gâp ntrông ta nau rêh gâp, nau gâp nsing, nau gâp ăt nuh, nau gâp rông ma bu, nau gâp nsrôyh đơn nau jêr.* 11 Jêh ri may lể say đổng nau bu jan jêr ma gâp, ndrel ma nau jêr jốt gâp ta ðon Öntiyôk†, ðon Ikôniam, ðon Lisatra. Bol lah gâp geh nau jêr jốt dứt hô kơt nây kađôi, yơn ma Kôranh Brah lể rklaih gâp đơi dâng lể bơh nau i nây.* 12 Bu moh i ũch gũ rêh tâm di ma nau Kôranh Brah ũch, nsing ma Brah Krist Yêsu, geh bu jan jêr đổng.* 13 Lông phung djơh mħik, phung mbrôh klơ, khân păng jan ndơ djơh lơ ma hô lơ ma hô ngãn, leo bu ma nau mbrôh, jêh ri geh bu a êng leo khân păng ma nau mbrôh đổng. 14 Yơn ma may, ăn may ndjôt nập hõm moh ndơ i may lể jêh nti, ndrel ma ndjôt nập hõm moh ndơ i may lể geh nsing, yor ma may lể gĩt n'hêl jêh, bu moh ntũm nti nau i nây nơh ăn ma may!* 15 Ntơm bơh may hôm jẻ may gĩt năl Nau Kôranh Brah Ngơi. Nau Kôranh Brah Ngơi i nây ăn may geh nau mân gĩt blaol, gay ma geh nau rklaih yor ma nsing ma Brah Krist Yêsu.* 16 Dâng lể Nau Kôranh Brah Ngơi, jêng tả bơh Kôranh Brah ăn Brah Huêng Ueh ăn bu nchih, geh nau khlay ma ntũm nti, ma nkah ăn kah gĩt săk, ntũm nti hăn di trong,

* **3:10** 3:10: 1Kô 11:1 † **3:11** 3:11: Dja ðon Öntiyôk ta bri Phisidia. * **3:11** 3:11: Kar 13:50-51; 14:5-6, 19 * **3:12** 3:12: Mar 8:34-35; 13:9, 13; Yôh 15:18-20; Kar 14:22; Rôm 5:3; 8:18; 2Kô 4:17; Phi 1:29-30; Kôl 1:24; 1Tê 3:3-4; 2Tê 1:4-5; 1Pê 4:1 * **3:14** 3:14: 2Ti 1:13 * **3:15** 3:15-16: 2Ti 1:5; Yôh 5:39; Rôm 15:4; 2Pê 1:19-21

ntũm nti nau gũ rêh ăn sổng, ¹⁷ gay ma nơm jan kar ma Kôranh Brah gũ geh nau gĩt blao, ndrel ma geh ndrăp săk, gay ma jan ndr uez ăp ntil.

4

¹ Găp dăn mboh ma may dũt nau ngăn ta năp măt Kôranh Brah, ndrel ma ta năp măt Brah Krist Yêsu i nơm phat dôi h bunuyh khăt ndăp ma bunuyh rêh, jêh ri găp dăn mboh ma may dũt hô ngăn, yor ma Brah Krist Yêsu mra plở văch gay ma măt uănh bri kađăch Păng nơm.* ² Ăn may mboh nkoch nau Kôranh Brah, jêh ri nsrôyh ngăn, bol lah nôk ueh kađôi mâu ueh kađôi, nti n'hêl ăn bu văt, lah bu ăn dăng, n'hao nuih n'hâm bu. Ăn may jan ndr i nây lơi ôh dăl, ntũm nti bu răp jăp,* ³ yorlah jăt năp tay bunuyh mâu ũch ôh iăt nau ntũm nti di. Lỗng khân păng joi nơm nti ôk ngăn tâng nuih n'hâm khân păng nơm ũch, gay ma ueh tôr iăt đơm.* ⁴ Khân păng mâu ũch ôh iăt nau ngăn, iăt nkhơng bu nkoch ndrơn i mâu ngăn chrao. ⁵ Yơn ma may nây, ăn may geh nuih n'hâm năp rkâk dăng lể ntil ndr, nsrôyh đơn nau jêr jốt, ăn may jan kar mboh nkoch nau mhe mhan ueh, ndăp ma jan kar may nơm ăn ueh uăch đổng.*

⁶ Lỗng i găp đja, mong bu nchai mham găp tâm ban ma bu nkhiũ ndrănh ma jan brah lể boi tăt jêh, nar găp khăt boi tăt.* ⁷ Găp lể tâm lơh jêh

* **4:1** 4:1: Yôh 5:22-23; Kar 17:31; Rôm 2:16 * **4:2** 4:2: Kar 4:20 * **4:3** 4:3-4: 2Kô 4:3-4; 2Tê 2:9-11 * **4:5** 4:5: 2Ti 2:2-3; 3:12 * **4:6** 4:6: Kar 20:24; Phi 1:21-22; 2:17

nau tâm lơh ueh, gáp nsrôyh jan lě ndr i Kôranh Brah ăn ma gáp jan n'ho ma tât nar dja*, jêh ri nau nsing gáp hôm nập kot ơm đống.* ⁸ Abao dja Kôranh Yêsu, i Kôranh phat dôi h sông, lě ndrăp jêh ndr nkhôm† nau rêh sông ăn ma gáp. Ndr i nây Păng ăn ta nar Păng văch tay, Păng mâu ôh ăn ma du huê gáp đơm, Păng ăn dăng lě bunuyh i gũ kôp Păng văch đống.*

Nau n̄inh ăn ma Timôthê n̄om

⁹ Jêh ri nsrôyh hăn a gáp ăn gơnh. ¹⁰ Nô Đemas lě m̄băr lơi gáp, yorlah păng rông neh ntu dja, abao dja păng lě hăn ta ðon Têsalônik. Nô Krêsên lě hăn ta bri Galati, jêh ri nô Titus lě hăn ta bri Đălmatia đống.* ¹¹ Hôm e du huê nô Luka đơm gũ ndrel gáp. Gáp dẫn may leo nô Markôs hăn ndrel ta dja đống, yorlah păng geh nau khlay ma koi ta ndr gáp jan.* ¹² Gáp lě njuăl nô Tikhikus hăn ta ðon Êphêsô.* ¹³ Nôk may hăn ta dja tay, ăn may ndjôt ao kuông gáp ta jay nô Karpôs ta ðon Trôas nây, ndrel ma ndjôt sambăt gáp đống, jêh ri i khlay rlau bu jêng sambăt i nchih ta ntô. ¹⁴ Nô Alêksăntrus i bunuyh blao jan ndr ma kông, păng jan djơh ma gáp hô ngăn. Yon ma Kôranh Brah mra pơng ma păng tâng nau păng jan. ¹⁵ Lah ndri ăn may njrăng păng

* **4:7** 4:7: 'Gáp nsrôyh...dja', ta nau ngơi Grek lah: 'Gáp lě lóch jêh nau tâm rlong nchuăt'. * **4:7** 4:7: 1Ti 6:12 † **4:8** 4:8: 'Ndr nkhôm', mâu lah 'Môk kađăch'. * **4:8** 4:8: 1Kô 9:24-27; Phi 3:12-14; Kôl 2:18; Yak 1:12; 2Kô 5:10 * **4:10** 4:10: Kôl 4:14; Tit 1:4 * **4:11** 4:11: Kar 12:25 * **4:12** 4:12: Kôl 4:7

đồng, yorlah păng tâm rdâng hô ngăn đah nau bân ntũm nti.

¹⁶ Nôk gáp ngời plơng ơh ma bu bôk dak ta nấp kôranh phat dôih, mâu geh ôh du huê bunuyh gũ kôl gáp. Dâng lẽ khân păng mbăr gáp dadê. Dẫn Kôranh Brah lơi ôh klăp ndăng nau i nây ma khân păng.* ¹⁷ Yơn ma geh Kôranh Brah kôl gáp, ndrel ma ăn gáp geh n'hâm suan, gay ma gáp dơi mboh nkoch nau mhe mhan ueh ăn ma dăng lẽ phung i mâu di phung Israel ta nây iăt. Jêh ri Păng lẽ rklaih jêh gáp i bu bơi ma tể dôih ma nkhât gáp đōng. ¹⁸ Kôranh Brah mra rklaih gáp boh dăng lẽ nau djơh, Păng mra măt njrăng gáp ăn gáp gũ ta bri kađăch Păng ta kalơ trôk ntũk Păng nơm gũ ri. Ăn rnê nau chrêk lơp Kôranh Brah nơm băbơ n'ho ro, ơ ăn geh kơt nây ngăn ro‡.

Nau ntĩnh n'glẽ dũt

¹⁹ Dẫn ôp nau ueh lăng ma yôh Prisil, nô Akilas, ndâp ma rnăk vâl nô Ônêsiphor đōng.* ²⁰ Nô Erastus hơm gũ ta bon Kôrintô, jêh ri nô Trôphim geh nau ji. Ndri gáp hơm ăn păng gũ ta bon Milêt, nôk gáp lôh boh bon i nây nơh.* ²¹ Lah ndri ăn may nsrôyh hăn ê lor ma khay ji kăt. Nô Obulus, nô Pudên, nô Linus, yôh Klôdia, ndrel ma dăng lẽ oh nô êng jăt, khân păng ôp nau ueh lăng may

* **4:16** 4:16: 2Ti 1:15 ‡ **4:18** 4:18: 'Ơ ăn geh kơt nây ngăn ro', mâu lah 'Amen'. * **4:19** 4:19: Kar 18:2-3; 2Ti 1:16-18 * **4:20** 4:20: Kar 19:22; 20:4; 21:29

dadê. ²² Dăn Kôranh Yêsu gŭ ndrel may, dăn nau
ueh Kôranh Brah gŭ ndrel khân ay may!§

§ 4:22 4:22: Sambŭt ơm i nchih ma ti aăă geh ntop: ‘O ăă geh
kơt nây ngăă ro’, mầu lah ‘Amen’.

**Nau Kôranh Brah Ngoi Nau Tâm Rnglăp
Mhe
Mnong, Central: Nau Kôranh Brah Ngoi Nau Tâm
Rnglăp Mhe New Testament**

copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

e066eeff-60da-5ff7-9822-f65015bcd247